

六

鮚溪醫論選中編



鮮溪醫論選中編卷六目錄

老人小兒門

老幼治法 老年治法 兒科要訣 兒科論 兒難 兒病 俗傳兒

科為純陽辨 論小兒虛證絕證 論小兒諸熱 小兒嘔吐辨

麻痘門

治麻疹 論麻證重輕 論麻痘異原 麻痘不同治法亦異 患痘須

知 痘症原委 論痘夾疫氣而出 痘疹禁發汗論 治痘 痘科救

偏 痘毒發搐 論痘淡白非輕證 治痘明家論 痘閉不同治法亦

異 書臨證指南痘門後 其二

驚風門

幼科似驚非驚辨 急驚 痰火閉證 慢驚 木侮土症 書臨證指

南驚門後 書臨證指南小兒吐瀉門後 書臨證指南癇症厥門後



疳門

疳疾論 論疳病虛證 書臨證指南疳門後

求嗣門

駁求嗣服熱藥安胎用燥藥 論求嗣藥各有所宜 秘製求嗣藥多霸

道 論求子嗣

婦女門

婦科要訣 女科論

經帶門

論血色 論經水多少 論經期腹痛 論先期血熱 論經閉各有所

因 未嫁女失寵妾孀婦尼姑經閉 書臨證指南調經門後 論女子

經到後或四季一行或一二年一行 論血與乳俱由脾胃 論熱入血

室 書臨證指南熱入血室門後 論胎產金丹非調經藥 書臨證指



南崩漏門後 論崩 論漏 血崩治法不同 論赤帶白帶白濁白淫

書臨證指南淋帶門後 帶濁多由肝火

胎產門 乳吹附

辨妊娠 書臨證指南胎前門後 胎不動 看死胎法 下死胎不可

拘執論 論墮胎 論安胎 真胎假胎 論鬼胎 墜胎難產 催生

不可拘執論 產後發熱 回生丹治療不利於虛寒證 產後誤用歸

芎能致癰論 產後宜補宜瀉論 產後宜溫辨 書臨指南產後門後

其二 乳吹

方藥外用法門

用藥有方更用法 煎藥服藥法 蒸露法 胃弱不勝藥傷陰化燥宜

蒸露法 急煎慢煎祇用頭煎祇用二三煎法 冷熱和服法 上盛下

虛分時服藥法 胃冷腸燥用丸加衣法 引經法 薰蒸法 煎藥用



水法 煎藥用水法 共二則 煎藥用火法 少飲多頓法 急症緩調

法 先後服藥法 濁藥清投法 潤藥燥服法 半泡半煎法 冷服

熱服法 食前食後空心服藥法 晨起臨睡服藥法 晨起臨睡分

輪服法 服藥佐以飲食法 內服輔以外治法 不能服藥先用外治

法 鋪藥以卧法 聞氣法 露一宿法

藥物門

論人參之害 論參附熬液之害 犀角辨 枸杞子助肝火 川芎之

害 五味子錮邪留肺 白芥子劫液動火 論木通苦濁迅利 豬肉

生痰之害救液之善 海蜃宜忌 夜明砂善於蟲蟲水蛭 黑芝蔴梗

能軟通肝氣 論病有對待藥亦有對待



鯀溪醫論選中編卷六

吳縣陸平一培治選

妹陸詠媿佩玢
弟陸循一培良

妹陸詠嬰佩珣
弟陸成一培初同參

老人小兒門

老幼治法

程芝田

書言老人多氣少血。小兒純陽無陰。蓋緣天癸之水。男子二八始至。八八乃絕。女子二七始至。七七乃絕也。竊謂老人陰既絕。陽亦衰。安得多氣。當言少氣少血為是。故老人多脾虛之症。實由命門陽衰。如八味右歸等丸。老人服之。每多效驗。因脾虛釜底添薪之法也。亦為陰中補陽。所以老人宜陰陽並補明矣。至小兒為嫩陽。本是無陰。賴此一點絳陽。以生陰血。苦寒之品。最伐真陽。陽若一虛。即成陽絕。慢脾之症。每多無救。或因外邪入裏。



醫藥大學圖書館藏

則變為熱。或疫邪內鬱。火燥薰蒸。涼解可愈。然因病致熱。非謂小兒純陽素應寒涼也。至於過汗傷陰。血燥生風。四肢搐搦。再用寒涼。下咽即殆。或作慢驚。投以溫補。服之亦斃。要知過汗傷陰。血燥生風。須用滋補。誤涼誤溫。胃寒脾敗。宜投溫補。經言誤汗亡陽。必先亡離家之陰。再亡坎中之陽。陰虛陽無所附也。誤下亡陰。必先亡胃家之陽。再亡脾家之陰。陽亡陰不獨存也。二語從來誤解。因並及之。所以小兒宜補陰。不宜伐陽。至驚風妄。喻嘉言已闢之。無庸多贅。老人小兒諸病。原可統治。所異者如是。宜加意焉。

老年治法

陸九芝

素問五常政大論。陰精所奉。其人壽。陽精所降。其人夭。蓋以陽能發泄。陰能堅凝。陽固可貴。陰亦未可賤也。上古天真論。年半百而動作皆衰。陰陽應象論。年四十而陰氣自半也。起居衰矣。於此益知垂暮之年。陰易虧而

陽易強。不知何時認作老年多陽虛。老年之藥宜補陽。而老人自此危矣。靈胎徐氏治老人。其言曰。能長年者。必有獨盛之處。陽獨盛。當顧陰。陰獨盛。當扶陽。然陰盛者十之一二。陽盛者十之八九。陽太盛者。非獨補陰。并當清火以保陰。乃世為老人立方。總以補陽為事。熱甚者。必生風。是召疾也。若偶有外感。尤當使之速愈。老年氣血不甚流利。豈堪補助其邪。以與氣血為難。故治老人。感證總與壯年一例。或實見虛弱。量為補托。則當就其陰陽之偏勝。而損益使平。試察千年之木。往往無故自焚。陰盡火炎。萬物一體。斷勿以辛熱助亢陽。竭陰氣。當耆艾之年。而加以焚如之慘也。靈胎之論。悉合經旨。誠能體味其言。並會內經陽隔當瀉之意。自不致如粗工之敗事矣。惟所指老人陽證。如頭熱耳鳴。面赤目赤。膚燥便燥。其脉洪者。猶人所易見。余更推之。則凡昔肥今瘦。不耐煩勞。手足畏冷。腰脚痠痺。筋絡拘攣。健忘不寐。口流涎沫。溼漉頻數。陽痿不舉。其脉沉小者。皆陰竭。

而血不充。熱甚而水易沸。陽蓄於內。不達於外。此正人所據以為陽虛者。尤不可不辨也。

兒科要訣

陸定圖

沈芊綠云。嬰兒臟氣未全。不勝藥力。周歲內非重症。勿輕易投藥。須酌法治之。即兩三歲內。形氣畢竟嫩弱。用藥不可太猛。峻攻峻補。反受藥累。此幼科之要訣也。

兒科論 陸平一刪

石芾南

小兒春令也。木德也。花之苞。果之萼。稚陽未充。稚陰未足者也。肌膚疎薄。易於感邪。藏府柔嫩。易於傷正。尤當以存陰為要。存陰非補陰之謂。凡辛燥升散。溫燥苦瀉。消導皆是耗傷陰液之藥。往往陰液被傷。肝風內動。鼓痰上升。血不榮筋。筋脉拘攣。致成痙瘓。稚陽未充。忌用苦寒。以苦寒善伐生生之氣。且苦能化燥。化燥則又傷陰。不獨伐生生之氣已也。金石之品。

善定神智。令人發呆。冰麝香燥走竄。最耗心液。經曰。石藥發癲。芳草發狂。不可不知。世俗見兒發熱。不問何邪。概曰風寒。輒與辛燥升散。雜以苦溫。苦瀉消導。吾鄉尤誤於薄荷荊芥辛涼之說。下筆輒用。不知荊芥質燥氣香。上升巔頂。薄荷質燥。辛辣異常。稍用三五分。參於辛潤劑中。以和格拒。猶可。若獨用多用頻用。實足耗液。致成瘰癧。乃見兒瘰癧。便稱驚風。亂投冰麝金石苦寒慄悍毒藥。以為開竅鎮驚清熱祛風。誤治甚多。古語云。欲得小兒安。常帶三分饑與寒。此為惜兒秘訣。蓋饑非餓也。飲食清淡有節耳。寒非凍也。不宜厚絮重綿。盒成熱病耳。驚風一證。多由過飽過煖所致。為父母者。盍不預為之計也。至於看法。以色診為第一。凡神充色澤者。天真必厚。易養而少病。神怯神瞪。面色慘淡枯瘁。唇紅不澤者。稟賦必薄。難養而多病。再看其先後天氣質。如先天虧者。必顛門難合。或齒遲語遲行遲。或項軟髮穗。青絡常露之類是也。後天虧者。必少食化遲。腹膨泄瀉。面色唇

舌淡白之類是也。又有看虎口紋法。起於滑氏伯仁歌曰。小兒三歲下。虎口看三關。紫熱紅傷寒。青驚白是疳。淡紅淡黃者。斯為無病看。又謂紋見下節風關為輕。紋見中節氣關為重。紋見上節命關為危。直透三關為大危。世俗推拊一科。從之為法。但滑氏及幼科諸書。均未推原其故。愚按靈樞經云。經脉者常不可見也。其虛實也。以氣口知之。脉之見者。皆絡脉也。凡診絡脉。色青則寒且痛。赤則有熱。胃中寒。魚際絡多青。胃中熱。魚際絡紅。其暴黑者。留久痺也。其有赤有黑有青者。寒熱氣也。其青短者。少氣也。但內經指百病而言。不專指小兒一科。彼滑氏男左女幼之說。未免拘執。且紅為傷寒之說。顯與經背。至以絡脉所見之長短。審病之淺深。固屬法程。而風氣命三字。未免杜撰。惟手絡不宜暴露。是為要訣。以過露為血燥生風候也。夏禹鑄以望色。望苗竅為診。於理甚足。可從之。推拊即內經按摩法。惟內傷飲食。輕摩其腹。取其轉運。若他病用之。則無益。針灸法為靈樞經

所重。但從無挑手絡之理。妄針必傷脈絡。至於認證。總以燥濕二氣為提綱。以因風因寒因暑為機括。以化火未化火為傳變。以傷陰之輕重為用藥之淺深。春山謂痘疹為燥火之甚者也。其次當以痘病為重。痘病多由燥熱化風。雖名曰風。實是肝陽為病耳。筋失滋養。故致強急。全現燥象。治法與大人無異。不必另立法門。風寒燥邪初起。發熱無汗。無論痘與不痘。治以辛潤。加杏仁牛蒡桔梗之類。寒重者加以溫潤。如葱白豆豉鮮生姜之類。風溫溫熱治以辛涼。於前辛潤法中。酌加微苦之品。加桑葉萸皮梔皮連翹蔗皮梨皮南沙參之類。熱重酌加涼潤輕品。如銀花菊花知母羚羊角竹葉蘆根梨汁蔗汁之類。客邪鼓動內風。痰涎上蒙清竅。厥時胃不知人。或發痘發瘰。前法必佐辛潤以開內閉。如芥子鮮石菖蒲薑汁之類。痰涎閉竅。熱痰加貝母天竹黃花粉萸仁膽星竹瀝薑汁之類。濕痰加半夏蜜炙橘紅之類。燥火甚者。清燥救肺湯。在所必用。夾暑夾濕者。加以辛

魚鱗言
淡如寇皮寇仁通草赤苓淡竹葉滑石鮮荷葉扁豆花之類。夾濕熱者。加
姜汁炒木通姜汁炒黃連之類。苦辛開化。陰液虧極者。色瘁竅乾。無涕無
淚。口瘡不能言語。宜速救液。如生地麥冬元參鮮首烏阿膠雞子黃鮮石解
玉竹女貞子龜板牡蠣決明燕菜之類。液虛燥甚者。必多進方回。功勿中
途易法。致之不救。其有液虛燥極。又有痰熱閉竅。暑濕內伏者。不妨於養
液劑中。參以辛潤開竅豁痰。辛潤又能行水去濕。醫不執方。合宜而用。病
純藥純。病雜藥雜。凡此皆治六氣致病之大畧也。若本藏自瘳病。亦不外
救液潤燥一法。內傷飲食瘳。在濕未化燥時。即須豫防後來變瘳。及早節
制飲食。健運脾陽。如參苓白朮散八仙糕一味雞金散之類。若已化燥。又
須參以甘平微潤。如製首烏山藥扁豆沙苑子枸杞兔絲棗仁阿膠龜板
淡菜燕菜之類。但此病陰陽兩傷。燥濕並病。多不能救。客忤瘳由血虛神
怯而起。審其實有所因。別無他病。用復脈去參桂棗姜。加棗仁牡蠣。汗多

神不甯時有恐懼者。加煨龍骨。整琥珀。整塊硃砂。取其氣不取其質。自無流弊。疳積一證。鞠通謂疳者乾也。乾生於濕。與內傷飲食。同一病因。夫乾生於濕。病之所由起也。而濕已成。乾病之所至極也。在濕未成。乾時。用資生枳朮等丸。疏補中焦。頗為合拍。仿古人以樂侑食之義。食後擊鼓。鼓動脾陽。使之運化。又以意治病之法。其有因肥甘厚味太過。釀生濕熱。疳蟲者。宜加苦寒辛酸。如連梅川椒史君之類。若濕已成。疳則不獨苦寒殺蟲。重傷脾胃。不宜誤用。即資生等丸。亦嫌剛燥耗液。大約疳積生於飲食不節。因而傷脾。初治宜消。末治宜補。或消補並用。隨症而施。不可偏執。陸平一曰。小兒宜無寒濕體質。宜用溫燥者。此篇立論。偏於化燥傷陰。言其多數耳。閱者察之。

兒難

吳鞠通

兒曷為乎有難。曰。天時人事為之也。難於天者一。難於人者二。天之大德。

曰生。曷為乎難兒也。曰天不能不以陰陽五行。化生萬物。五行之運。不能
不少有所偏。在天原所以相制。在兒任其氣則生。不任其氣則難。雖天亦
無如何。此兒之難於天者也。其難於人者奈何。曰一難於兒之父母。一難
於庸陋之醫。天下父母有不欲其兒之生者乎。曷為乎難於父母耶。曰即
難於父母欲其兒之生也。父母曰。人生於溫。死於寒。父母惟恐其兒之寒。
父母曰。人以食為天。飢則死。故父母惟恐其兒之飢。天下之兒。得全其生
者此也。天下之兒。多受其難者亦此也。諺有之曰。小兒無凍餒之患。有飽
煖之災。此祇知以慈為慈。不知以不慈為慈。此兒之難於父母者也。醫操
生人之術。未有不欲天下之兒之生。兒之難。未有不賴醫有以生之也。然
則醫也者。所以補天與父母之不逮。以生兒者也。曷為乎兒難於醫也。曰
醫也者。順天之時。測氣之偏。適人之情。體物之理。名也。物也。象也。數也。無
所不通。而後可以為醫。奈何挾生人之名。為利己之術。不求歲氣。不畏天

和統舉四時率投三法。毫無知識。囿於見聞。並不知察色之謂何。聞聲之謂何。朝微夕甚之謂何。或輕或重之謂何。甚至一方之中。外自太陽內至厥陰。既與發表。又與攻裏。且堅執小兒純陽之說。無論何氣使然。一以寒涼為準。無論何邪為病。一以攻發為先。謬造驚風之說。惑世誣民。妄為疳疾之丸。戕生伐性。天下之兒之難寧有終窮乎。

兒病

徐靈胎

小兒之疾。熱與痰二端而已。蓋純陽之體。日抱懷中。衣服加煖。又襁褓之類。皆用火烘。內外俱熱。熱則生風。風火相煽。乳食不歇。則必生痰。痰得火煉。則堅如膠漆。而乳仍不斷。則新舊之痰日積。必至脹悶。啼哭又強之食。乳以止其啼。從此胸高氣塞。目瞪手搐。即指為驚風。其實非驚。乃飽脹欲死耳。此時告其父母。令減衣停乳。則必大愠。謂虛羸若此。反令其凍餒。無不唾罵。醫者亦不明此理。非用剛燥之藥。即用參耆滋補。至痰結氣凝之

後則無可救療。余見極多。教之適其寒溫。停其乳食。以清米飲養其胃氣。稍用消痰順氣之藥調之。能聽從者十愈八九。其有不明此理。反目為狂言者。百無一生。至於痘科尤屬怪誕。痘為小兒之所必不免。非惡疾也。當天氣溫和之時。死者絕少。若大寒大暑。其元氣虛而稠密者。間有不治。其始欲透發。其後欲漿滿。皆賴精血為之。乃未發以前。即用大黃石膏數兩。以遏其生發之機。而敗其元氣。既而即用蚯蚓數十。蟻螬數個。及一切大寒大毒之品。如蜈蚣蝎子鷄頭猪尾之類。又將地丁銀花等粗糲之品。數兩煎汁而灌之。增其毒而倒其胃。此等惡物。即令醫者自服之。亦必胃絕脹裂而死。況孩提乎。凡用此等藥者。必豫決此兒死於何日。十不失一。其父母翻盛稱其眼力不爽。孰知其即死於彼所用之藥也。或有元氣充實。幸而不死者。遂以為非此等大藥不能挽回。而人人傳布。奉為神方矣。更可畏者。強壯之年。醫者黃芩麥芽俱不敢用。以為尅伐孩提之子。則石膏